



## Լիբանանեան Լուրեր

### Լիբանանի Սնանկացումի Լուրը Զերքուեցաւ

Լրատուական միջոցներու տարածած անհիմն լուր մը բաւական աղմուկ յառաջացուց երեկ լիբանանեան շրջանակներու մօտ:  
Արդարեւ փոխ-վարչապետին վերագրուած խօսք մըն էր ան, ուր վերջինս կը յայտարարէ թէ պետութիւնն ու Կեդրոնական դրամատուը սնանկացած են: Աւելի ուշ փոխվարչապետը յստակացուց, որ տարածուածը իր խօսքի ընդհանուր բովանդակութենէն անջատուած տող մըն է, որ այդպէս ներկայացուելով շփոթ յառաջացուցած է: Ան հերքեց լուրին ճշմարտացիութիւնը:

## Հայկական Լուրեր

### Պաշտպանելով Արցախը՝ Պաշտպանենք Հայաստանը. Խորհրդարանական Ընդդիմութիւնը Այսօր Ժամը 18.30-ին Հանրահաւաքի Կը Հրաւիրէ



Այսօրուայ իրավիճակը շատ բարդ է եւ այսօրուայ իշխանութիւններու առկայութեան պարագային մենք Հայաստանն ու Արցախը կը տանին ինքնիշխանութեան գահավիժում: Այս մասին Ապրիլ 5-ի հանրահաւաքի իրազեկման հաւաքի ընթացքին ըսած է ընդդիմադիր «Հայաստան»

խմբակցութեան ղեկավար՝ Սեյրան Օհանեան:

«Մեզ համար ցաւ է, որ պատերազմում չկարողացանք հասնել յաջողութեան. երկրի ամբողջ ներուժը չմոբիլիզացուեց՝ Արցախն ու ՀՀ-ն պաշտպանելու համար: Ցաւ է, որ պարտութիւնների շարունակութիւն գոյութիւն ունի. հակառակորդը շարունակում է ճնշումները», - աւելցուցած է Օհանեան: Ան նշած է, որ մեզի նոր ցեղասպանութիւն կը սպասուի, ուստի պարտաւոր ենք ներկայ ըլլալ հանրահաւաքին, որպէսզի առաջ քաշենք մեր պայմանները:

### «FlyOne Armenia»-ն Շաբաթական Թռիչքներ Պիտի Կատարէ Երեւան-Պէյրուս Եւ Հակառակ Ուղղութեամբ

Լիբանանի հանրային աշխատանքներու եւ փոխադրութեան նախարար՝ Ալի Համիէն եւ Լիբանանի մօտ Հայաստանի արտակարգ եւ լիազօր դեսպան՝ Վահագն Աթաբեկեան քննարկած են տարբեր ոլորտներու եւ յատկապէս քաղաքացիական օդաչուացութեան ոլորտի մէջ երկու երկիրներու յարաբերութիւններու ամրապնդման ուղղուած հարցերը: Հանդիպման ընթացքին դեսպանն ու նախարարը ընդգծած են երկու բարեկամ երկիրներու մայրաքաղաքները կապող ուղիղ կանոնաւոր թռիչքներու յաւելումի կարեւորութիւնը:

Այս առնչութեամբ Լիբանանի հանրային աշխատանքներու եւ փոխադրութեան նախարարութիւնը արդէն իսկ կանաչ լոյս տուած է Հայաստանի քաղաքացիական օդաչուացութեան վարչութեան:

Նշուած է, որ «FlyOne Armenia»-ն կանոնաւոր թռիչքներ պիտի իրականացնէ դէպի Լիբանան եւ հակառակ ուղղութեամբ: Երեւան-Պէյրուս եւ հակառակ ուղղութեամբ նախատեսուած է շաբաթական երկու կամ երեք թռիչք: Ընդգծուած է, որ այն կ'ամրապնդէ երկու երկիրներու միջեւ յարաբերութիւնները:

## ՀԱՂՈՐԴԱԳՐՈՒԹԻՒՆ



### Փոլա Եագուպեան Այցելեց Թեքէան Կեդրոն



Կիրակի 3 Ապրիլ 2022-ի երեկոյեան «Պէյրուս Առաջին» ընտրաշրջանի երեսփոխանական թեկնածու՝ Փոլա Եագուպեան եւ իր ցանկակիցները այցելեցին Թեքէան Կեդրոն՝ հիւրերը հանդիսանալով ՌԱԿ Լիբանանի Շրջանային Վարչութեան: Եագուպեանին կ'ընկերակցէր Նաեւ «Պէքաա Առաջին» Չափելի ընտրաշրջանի երեսփոխանական թեկնածու՝ Չօրավար Նարեկ Աբրահամեանը: Հիւրերուն դիմաւորեցին, ՌԱԿ Լիբանանի Շրջանային Վարչութեան ատենապետ՝ ընկ. Սեւակ Յակոբեանը, ԹՄՄ Հիմնադիրներու Մարմնի ատենապետ եւ ՌԱԿ-ի Նախկին երեսփոխան՝ ընկ. Յակոբ Գասարճեանը եւ ՌԱԿ-ի ու ԹՄՄ-ի Լիբանանի շրջանակը ներկայացնող՝ պատասխանատու ընկերուհիներ եւ ընկերներ:



Հանդիպման ընթացքին կողմերը միասնաբար քննարկեցին Լիբանանն ու լիբանանահայութիւնը յուզող հարցեր: Փոլա Եագուպեան ներկայացուց իր ցանկին ծրագիրը եւ պատասխանեց իրեն ուղղուած հարցումներուն: Ընկ. Յակոբեան դրուատիքով խօսեցաւ Եագուպեանի արժանիքներուն մասին եւ ջատագովեց յանուն Լիբանանի քաղաքացիին բարօրութեան եւ գերիշխան ու փտածութենէ զուրկ երկիր մը ունենալու իր տեսլականն ու տարած աշխատանքները: ՌԱԿ-ի Լիբանանի ատենապետը շրջանակին անունով ամբողջական զօրակցութիւն յայտնեց Փոլա Եագուպեանին ու իր ցանկին, ինչպէս Նաեւ Չօր. Նարեկ Աբրահամեանի թեկնածութեանց: Ընկ. Յակոբեան իր խօսքին մէջ շեշտեց, թէ Եագուպեանի քաղաքական ու ընկերային հայեացքները մեծապէս կը համընկնին ՌԱԿ-ի Լիբանանի հանդէպ ունեցած տեսլականին հետ եւ հետեւաբար այս առումով Եագուպեան լաւապէս կը ներկայացնէ ՌԱԿ-ը, ինչպէս ՌԱԿ-ը իր կարգին՝ կը ներկայացնէ Եագուպեանը:

## ՀԱՂՈՐԴԱԳՐՈՒԹԻՒՆ

### Անթիլիասի Ուխտի Օրոտան Առթիւ Սուրբ Լուսաւորչի Աջով Օրհնուեցան Մեր Ժողովուրդի Չաւակները

Սուրբ Գրիգոր Լուսաւորիչ հայոց աշխարհին մէջ ամրապնդեց հայկական ինքնութեան հիմնաքար հանդիսացող քրիստոնէութիւնը եւ իր հաւատքին ու կամքին շնորհիւ ամբողջ ազգ մը դարձի բերաւ: Իր այս առաքելութեան ընթացքին ան դիմագրաւեց բազմաթիւ սոսկալի չարչարանքներ, որոնց յիշատակութիւնը հայ եկեղեցին կը նշէ Գալստեան Կիրակիին: Լուսաւորչի մուտն ի վիրապ տօնին կը նշենք Նաեւ հայրապետարանիս ուխտի տօնը՝ Մայրավանքին համանուն Տաճարին նուիրուած:



Առ այդ, Կիրակի, 3 Ապրիլ 2022-ին, Նախագահութեամբ Ն.Ս.Օ.Տ.Տ. Արամ Ա. Կաթողիկոսին, Վեհարանի դահլիճէն սկիզբ առաւ Հայրապետական թափօրը, որ Մեծի Տանն Կիլիկիոյ Կաթողիկոսութեան հոգեւոր հարստութիւնը համարուող սրբազան մասունքներու արկղով մուտք գործեց Մայր Տաճար: Ս. եւ Ամմահ Պատարագ մատուցեց եւ յաւուր պատշաճի քարոզեց մայր Տաճարի լուսարարապետ Գերշ. Տ. Կոմիտաս Արք. Օհանեան: Սրբազանը իր քարոզը սկսաւ Լուսաւորչի վիրապ մուտքի շարականի խօսքերով, որ արտայայտութիւն է ցնծութեան եւ հրաւեր՝ աղօթքի ու ապաշխարութեան: Ան ըսաւ, որ այսօր մենք Էականօրէն կարիքը ունինք աշխարհով մէկ հոգեւոր արթնութեան: Սրբազանը ամփոփելով տօնին պատմագր՝ նշեց, որ Ս. Գրիգոր Լուսաւորիչ ընդհանրական եկեղեցւոյ մեծ սուրբն է: Ան ոչ միայն հայոց հաւատքի կերտիչն է, այլեւ հայ քրիստոնէայ ազգին կերտիչը: Սրբազան հայրը իր քարոզը եզրափակեց՝ վստահեցնելով, որ իւրաքանչիւր հաւատացեալ հաւատքի իր զօրութեան չափով կը ստանայ ամէն ինչ որ կը խնդրէ սուրբէն՝ որովհետեւ սուրբերուն մէջ քրիստոս կը բնակի:



Կիլիկիոյ Կաթողիկոսութեան «Կիլիկիա» թանգարանը ի պահ դրուած այլ սրբազան մասունքներով:

Շաբ. էջ 08

## Բամ բաս բայ



Երեկ կէս գիշերին աւարտեցաւ Լիբանանի երեսփոխանական ընտրութիւններու թեկնածութեանց ցանկերու գրանցումի վերջին պայմանաժամը, որ Նաեւ ազդակ մըն է ընտրութիւններու Նախապատրաստական աշխատանքներու գոնէ երեւութապէս յառաջ մղումին: Եւ մինչ բոլոր կողմերը արդէն իսկ սկսած են ընտրապայքարի ծանր գործընթացին, կ'ըսուի թէ յառաջիկայ 15 Մայիսին Լիբանանի երեսփոխանական ընտրութիւններ կրնայ տեղի չունենալ: Պատճառը՝ արեւմտեան պատկանելիութեամբ կեդրոնի մը ուսումնասիրութեան արդիւնքներն են, ըստ որուն ընտրութիւնները պիտի արտադրեն խորհրդարան մը, որ այնքան ալ ի նպաստ չէ արեւմտեան երկիրներու շահերուն: Յետաձգումի վարկածը կը համընկնի Նաեւ տեղական կողմի մը շահերուն հետ, որ պատրաստ չէ առանց Նախապայմաններու ճամբան հարթել դէպի աւելի ուշ կայանալիք Նախագահական ընտրութիւններ: Ամէն պարագայի շատ ժամանակ չմնաց այս վարկածը հաստատելու կամ անճիշդ դուրս գալուն: Կը մնայ կարեւոր մտահոգութիւն մը. քաղաքական կամ ապահովական ի՞նչ զարգացում պէտք է տեղի ունենայ, որ յետագոյն ընտրութիւններուն իրենց թուականին կայացումը:



### Պատմութեան Մէջ Այսօր

#### Արշակ Յարութիւնեան

Արշակ Յարութիւնեան (5 Ապրիլ 1869, Թիֆլիս, Կովկասի Փոխարքայութիւն, Ռուսական Կայսրութիւն - 27 Յուլիս 1936, Երեւան, Հայաստանի Խորհրդային Ընկերակարական Հանրապետութիւն, Անդրկովկասի ԽՖՍՀ, Խորհրդային Ընկերակարական Հանրապետութիւններու Միութիւն), հայ դերասան, ՀԽՍՀ վաստակաւոր դերասան (1934):

Արշակ Յարութիւնեանը ծնած է 1869-ին, Թիֆլիս: Եղած է հայ թատրոնի ամենահին դերասաններէն մէկը: Աւարտած

է Ներսիսեան դպրոցը: 1887 թուականէն ան դերասանական գործունէութեան սկսած է: Աշխատած է Թիֆլիսի եւ Պաքուի թատրոններուն մէջ, խաղցած է Գեորգ Չմշկեանի եւ Գ. Տեր-Դաւթեանի խումբերուն հետ, Դ. Պետրոսեանի, Յովհաննէս Աբելեանի, Մայսուրեան-Չարիֆեան եւ այլ խումբերու հետ հանդէս եկած է Կովկասի, Միջին Ասիոյ, Պարսկաստանի եւ Թուրքիոյ մէջ: Հիմնականօրէն խաղցած է ուժեղ խառնուածքի դրամատիկական դերեր, հարազատութեամբ վերարտադրած է յատկապէս սունդուկեանական կերպարները: 25 Յունուար 1922-ին, Երեւանի Առաջին Պետ-թատրոնի բացման օրը խաղցած է «Պեպո» ներկայացումին մէջ, ուր հանդէս եկած է գլխաւոր դերով:

## ՀԱՂՈՐԴԱԳՐՈՒԹԻՒՆ

### Փոլա Եագուպեան Այցելեց Թեքէեան Կեդրոն

#### Սկիզբը էջ 01

Փոլա Եագուպեան շնորհակալութիւն յայտնեց իր անձին եւ իր ծրագիրներուն հանդէպ ՌԱԿ-ի ցուցաբերած վստահութեան համար: Ան մեծապէս գնահատեց Ռամկավար Ազատական Կուսակցութեան ազգանուէր ու անաչառ կեցուածքներն ու ազատ, անկախ եւ գերիշխան Լիբանանի ու առողջ հաւաքականութեան հանդէպ ունեցած սկզբունքային մօտեցումները:



Չօր. Աբրահամեան իր կարգին կարեւորեց Լիբանանի հայկական համայնքին գործօն մասնակցութիւնը համալիբանանեան քաղաքական կեանքին մէջ եւ շեշտը դրաւ անոր առաջանորդողի դեր ստանձնելուն վրայ:

Ընկ. Յակոբ Գասարճեան բարի գալուստ մաղթեց հիւրերուն, շեշտելով, որ

Թեքէեան Կեդրոնը տունն է իւրաքանչիւր հայորդիի, որ կ'աշխատի Լիբանանի եւ լիբանանահայ համայնքին համար:

Մտերմիկ հանդիպման մթնոլորտին մէջ ընկ. Յակոբեան, Փոլա Եագուպեանի ծննդեան տարեդարձին Նախօրէին զուգահեռաբար այս այցելութեան առիթով անակնկալ մը մատուցեց հիւրին, միասնաբար նշելու իր տօնը: Հանդիպման աւարտին կողմերը իրար շնորհաւորեցին եւ յաջորդող օրերուն գործակցութիւնը աւելի եւս սերտացնելու պատրաստակամութիւն յայտնեցին:

Նշենք, որ այս տարի Լիբանանի երեսփոխանական ընտրութիւնները, ծրագրուած են, որ տեղի ունենան յառաջիկայ Մայիսի 15-ին:


ՌԱԿ Լիբանանի Շրջանային Վարչութեան Տեղեկատուական Գրասենեակ

## Դրուագներ Նշանաւոր Մարդոց Կեանքէն

### ԳԵՈՐԳ ԶԵՇՇԿԵՐԵԱՆ «Չարթօնք»ի Երէց Աշխատակից

#### Ուիլեամ Սարոյեան

1972 թուականը յաւիտեան դրոշմուած պիտի մնայ իմ յիշողութեանս մէջ որպէս կեանքիս յաւաքոյն վայելքներէն մին ապրուած տարի: 1971-72 տարեշրջանին հրաւիրուած էի անգլերէն լեզու դասաւանդել Այնճարի Հայ Աւետարանական երկրորդական վարժարանին մէջ:



shutterstock.com • 570601075

Հազիւ անարտած Պէյրութի Ամերիկեան Համալսարանը, Այնճարը այնքան ալ հրապուրիչ չէր երիտասարդի մը համար որ տարուած էր ապագայի փայլուն երազներով: Սակայն հայկական կրթական հաստատութեան մը մէջ ծառայելը կարծես մասամբ մը Կիւպէնկեան հիմնարկէն ստացած կրթաթոշակի պարտաւորութիւնս կը գոհացներ:

Այդ տարեշրջանը ինծի համար հաճելի եւ բախտորոշ տարի մը դարձաւ հետեւեալ երկու պատճառներով: Նախ ես կրցայ աշակերտական թատրոն մը հիմնել եւ բեմադրել Ալեքսանդր Սարուխանի «Մենք Հայերէն Չենք Գիտեր» կատակերգութիւնը, որ մեն յաջողութիւն գտաւ թէ աշակերտներու եւ թէ գիւղի բնակիչներուն մօտ:

Երկրորդ եւ անելի կարեւոր, այդ տարուան գարնան Այնճար այցելեց ամերիկահայ նշանաւոր գրող Ուիլեամ Սարոյեանը: Ան Լիբանան եկած էր հրաւերովը Հայկազեան Գոլէճի՝ այժմ համալսարան, հոգաբարձութեան, որպէս շրջանաւարտից հանդէսի գլխաւոր բանախօս:

Այնճարի համար անգուգական երեւոյթ մըն էր Սարոյեանի այցելութիւնը եւ առ այդ՝ անոնց սարքած ընդունելութիւնը եղաւ բացառիկ: Գիւղի մուտքին՝ Սարոյեան ընդունուեցաւ անանդական «Տաւուլ, գուրնայ»-ով եւ հայկական պարերով:

Այցելելէ ետք առաքելական, անտարանական եւ կաթողիկէ համայնքներու վարժարանները, Սարոյեանի համար պատրաստուած էր հայկական ուսուցիչներով ճոխ ճաշասեղան մը, գեղատեսիլ պարտէզի մը մէջ, աղբիւրի կողքին: Ճաշէն ետք պատրաստուած էր նաեւ պատշաճ գեղարուեստական յայտագիր մը՝ աշակերտներու կողմէ, ինչպէս նաեւ բարի գալուստի եւ գնահատական խօսքեր, գիւղապետի, եկեղեցական հայրերու եւ դպրոցի տնօրէններուն կողմէ: Աւարդ սակայն, անոնցմէ ոչ մէկը գործադրութեան դրուեցան հետեւեալ պատճառով:

Արդարեւ հազիւ ծաշը անարտած, Սարոյեան ոտքի ելաւ եւ «Ես գիւղը կ'ուզեմ պտղտիլ» ըսելով ձգեց ընդունելութիւնը եւ գնաց: Բնականաբար իրեն հետեւեցան իր ուղեկիցը, գիւղապետը եւ այլ պատկան մարմիններու ներկայացուցիչները:

Յուսախաբութիւնը աշակերտներուն մօտ ակնբերեւ էր: Անոնք մեծ պատրաստութիւն տեսած էին արտասանելու, երգելու եւ պարելու, ի յարգանք ամերիկահայ նշանաւոր հիւրին, որուն ծանօթ էին միայն իր պատմութիւններուն ընդմէջէն . . .

#### Ճան Մարգարեան



Վերապատուելի Դոկտ. Ճան Մարգարեան՝ որ անցեալ տարի մահացաւ 104 տարեկան ին, երկու անգամ եղած է Հայկազեան Գոլէճի (այժմ համալսարան) նախագահը: Գոլէճը հիմնուեցաւ 1955 թուականին եւ ամերիկայէն ժամանելով ինք եղաւ առաջին նախագահը եւ մնաց իր պաշտօնին վրայ մինչեւ 1966 թուականը: Իր երկրորդ նախագահութիւնը դարձեալ տեւեց տասնըմէկ տարի, 1971-1982: Ան նախագահ ըլլալու կողքին դաստիարակ էր նաեւ, բարձր դասարաններուն դասաւանդելով կրօնք՝ յատկապէս philosophy of religion:

## Կարօտ

### ՍԱՐԳԻՍ ՓՈՇՕՂԵԱՆ «Չարթօնք»ի Երէց Աշխատակից

Կարօտը անցեալ է ներկայի մէջ. Ի՞նչ հանգամանքով, իբրեւ ի՞նչ. Բայց բնական անհրաժեշտութիւն մը որ բաց մը կը լեցնէ կամ կը յուշէ նայած օրուան պահին, պէտքին: Անհրաժեշտութիւն մը ի հարկին մտերմութեան շղարշով ներկայացած սփոփելու, մխիթարելու, յուշելու աննկատ մնացած պատահար մը, խօսք մը յայտնաբերելու: Պատանութեան սիրած երգերն էին եւ ամենէն խօսուն՝ Գ. Սարեանի «Արդեօք գիտես դու որ չեմ մոռացել, մոռացել» երգն է որ խորքային սիրոյ երգ մը ըլլալով անմոռանալի հետք մը դրոշմած է մէջս, որ կը մորմոքի ապերախտութենէ հեռու՝ թռչունի թերթով տիեզերքի մէջ գտնելու յոյսով անմոռանալին:



Անցեալը ներկայի մէջ: Անմոռանալի ակումբային երեկոներու, թատրոններու եւ այլ առիթներով հաւաքները ուր հայրենասիրական եւ ի հարկէ յաղթանակի երգերը կը թնդացնէին սրահը որ իր կարգին «գինովցած» ըլլալով կը բազմապատկէր խանդավառութիւնը, ու կը խորհէինք թէ հաստատուած է ամեն երազանք իրականութեան ճանապարհին ու կ'ընթանանք ալ անելիին՝ հին լոգունգին՝ հաւատալով «Ազատ անկախ եւ...Միացեալ Հայաստան»ի երազանքին իրականացման, որուն խմբավարը կ'ըլլար գինին ու տաք մթնոլորտը օրօրուող ծխախոտի մշուշով... Երեկ էր ան. Երեկ իրական էր. Հին դասընկերներն ալ վկայ...

Անցեալը ներկայի մէջ. Այս օրերուս այնքան խոցոտ է երբ թագաժահրը սարսափն է եղած երկրագունդի մարդկութեան: Խստացուած են հաւաքները, սահմանափակուած հանդիպումները ինքնաբերաբար կը թեւածես երեկի մէջ: Կարօտը կու գայ իբրեւ մխիթարանք դիմագրաւելու իրողութիւնը անզսպելի, անելի քան երկու տարի է եւ վերջը անտող փող մը չկայ այլ՝ ընդհակառակը, կը սպասենք անելի վատին իր հետ բերելով նաեւ հակասական լուրերու փունջ մը եւ սկզբնապատճառին եւ դարմանումին առնչութեամբ:

44 օրուան Արցախեան պատերազմին ելքը գետնաքարշ ըրաւ մեզ ազգովին եւ պատերազմի ընթացքին պատահարները որոնք յուսախաբութեան եւ տարակուսանքի մատնեցին մեզ մեր հայրենասիրութեան եւ նուիրումութեան հաւատքը որոնք վարկածի վերածեցին անցեալի հաւատքը: Մի՞թէ սա պիտի ըլլար անկախութեան եւ մեր հպարտութեան շարունակութիւնը թէ՛ թշնամիին պիտի առիթ տրուէր սոնքալու եւ ոչ միայն այլ՝ սանձարձակ ասպատակելու, սպաննելու, գերեզարելու Հայաստանի սահմաններէն ներս: Վա՛յ պարտուողին...Սակայն երբ նոյնիսկ անբան անասունը ունի վրիժառութիւն, Մենք պիտի չունենանք այդ առաքինութիւնը, որուն կը սպասենք ու շատեր կը պայքարին բայց ամեն խմբակցութիւն իր հասկցած ձեւով ինչ որ օգուտ մը կրնայ տալ. Կը տարակուսիմ բայց կարելի է յուսալ որ Սարտարապատեան Ոգիով «ԻՆՔՁԻՆՔԻՆ ԳԱՆ» ու յաղթանակը կը մօտենայ: Սենեակիս բանտարկեալը եղայ երկու շաբաթ հիւանդանոցային պայմաններէն ետք ու հիմա նստեր եմ հիւրասենեակին մէջ մեր տան, հիւրասիրելու, քաջ գիտնալով որ եկող-գացող պիտի չըլլայ բայց պիտի ապրիմ խաբկանքը երազներու օրօրով ու կարօտով: Կեանք է. Ելեւեջներով լի.մերն են եւ արցունք եւ աղի արցունք, եւ սէր եւ ատելութիւն.պէտք է դիմանալ: Վերջին հաշուով բնութիւնը ինքնաբուժումի յատկութիւնն ունի ի Վերուստ տրուած:

Ան սիրուած էր թէ ուսանողներուն կողմէ եւ թէ ալ գոլէճի ուսուցիչներուն եւ անձնակազմին կողմէ: Առաւել՝ ան յարգուած անձնաւորութիւն մըն էր Պէյրութի հայ թէ օտար շրջանակներու մտաւորական եւ պետական խաւի անդամներուն կողմէ:

Երկու տարի ուսանելով (1964-66) Հայկազեան Գոլէճի մէջ, առիթը ունեցած եմ մօտէն ճանչնալու զինք որպէս նախագահ, դասատու եւ խորհրդատու: Դեպքը, որուն մասին պիտի արտայայտուիմ, պատահեցաւ 1965 թուականին, Հայոց Ցեղասպանութեան 50րդ տարելիցին:

**Կեանքը Պեյրուֆի Վահան Թեքեան Վարժարանին Մէջ**

**Լրատու - Թիւ 1 – Մարտ 2022 (Ա. Մաս)**


Մինչ Լիբանանի տագնապալի իրավիճակին արդիւնքով, մեր չորս կողմը ամեն ինչ կը նահանջէ, Պեյրուֆի Վահան Թեքեան Վարժարանի տնօրէնութիւնն ու հոգաբարձութեան կազմը, հաւատարիմ իր առաքելութեան, ամեն ինչ կ'ընեն պատուաբեր դիրքի վրայ պահելու համար մեր սիրելի դպրոցը:



Այս ծիրէն ներս, հաճելի էր ստանալ մեր սիրելի վարժարանին վերջին ամիսներուն գործունէութեան վերաբերող լրատուն: Իր բովանդակութիւնը աւելի եւս հասանելի դարձնելու համար լայն հանրութեան, որոշեցինք երկու յաջորդական թիւերով տեղ տալ Վահան Թեքեան Վարժարանի Լրատուին, մաղթելով որ ինչպէս վարժարանին, նաեւ անոր իւրաքանչիւր նախաձեռնութեան ճանապարհը կ'ըլլայ կանաչ ու յաւէտ:

«Խմբ.»

**Տնօրէնութեան Խօսք**



Մեծանուն հայրենասէր, Հայ Բանաստեղծութեան Իշխան՝ Վահան Թեքեանի անունը կրող կրթութեան այս վառ օջախը՝ Հայ Մշակոյթի սիւներէն մին, Եօթնասուն տարիէ ի վեր մեծ խանդավառութեամբ ուսում կը ջամբէ ու կը դաստիարակէ հայեցի կրթութեամբ եւ ազգային բարձր գիտակցութեամբ հպարտ սերունդներ:

Վահան Թեքեան Վարժարանը ուսուցանելու, սորվելու եւ աճելու իւրայատուկ վայր մըն է: Մեր հոգատար ուսուցչակազմը օժտուած է ուսուցման բարձրորակ հմտութեամբ՝

կեդրոնաւարով իւրաքանչիւր աշակերտի անհատական կարիքներուն վրայ: Վահան Թեքեան վարժարանի առաքելութիւնը հայ աշակերտներուն բարձրորակ ուսմամբ ջամբելն է:

- Մեր ուսումնական ծրագիրը կեդրոնացած է քննական մտածողութեան, առաջնորդութեան հմտութիւններու, նկարագրի կերտման, ինքնաճանաչման եւ ինքնաբացայայտման վրայ:
- Մենք կ'արժեւորենք եւ կ'երաշխաւորենք իւրաքանչիւր ուսանողի ընկերային և զգացական աճումը, ջանալով՝ անոր ուսուցման ընթացքը դարձնել հաճելի եւ հետաքրքրական:
- Մենք կ'օգտագործենք նորարարական, ուսանողակեդրոն մանկավարժական մօտեցումը ներգրաւելու աշակերտները եւ օգնելու անոնց հասնելու իրենց փայլալայն նպատակներուն. դառնալով արդիւնաւետ քաղաքացիներ և յարատեւ սովորողներ:

Որպէս ուսումնակրթական հաստատութիւն, մենք կը ձգտինք պահպանել անցեալի ավանդութիւնները, դիմակայել ապագայի մարտահրաւերները նորարարական ձեւերով, վստահութեամբ, վճռականութեամբ և ոգեւորութեամբ:

Կ'ուզեմ իմ խորին եւ անկեղծ շնորհակալութիւն եւ երախտագիտութիւնը յայտնել մեր վարժարանին վերեջին սատարող բոլոր անհատ բարերարներուն, անձնուիրութեամբ գործող ազգայիններուն, ինչպէս նաեւ ԹՄՄ Հիմնադիրներու Մարմինին, Հոգաբարձութեան, ուսուցչակազմին, ծնողաց յանձնախումբի ժրգան տիկիներուն ու Սանուց Միութեան աշխոյժ երիտասարդական յանձնախումբին, որոնց նիւթական ու բարոյական ներդրումը եւ աջակցութիւնը մեր վարժարանի առաքելութեան, կը նպատակադրեն ապահովել հայ ժողովուրդի յաւերժութիւնն ու նոր սերունդներուն անվտանգ եւ որակեալ կրթութիւն:

Լաւագոյն բարեմաղթանքներով՝  
Սեւանա Սեմերճեան Տարագճեան – Տնօրէնուհի  
Մարտ 20, 2022

**Ամփոփ տեղեկագիր Վահան Թեքեան Միջն. Վարժարանի ծրագիրներուն եւ գործունէութիւններուն 2021-2022 ուսումնական տարուան**

Մօտաւորապէս երկու տարուան հեռակայ ուսուցումէն ետք, անհուն ուրախութեամբ դիմաւորեցինք մեր աշակերտները՝ 2021-2022 դպրոցական տարեշրջանին համար: Յաջորդող էջերուն մէջ կ'ընաք հետեւիլ նկարներուն, որոնք խօսուն վկաներն են մեր գործունէութիւններուն:




Վերամուտ Նախակրթարանի եւ Միջնակարգի



Մանկապարտեզի Վերամուտ

**STEAM Արհեստավարժական Ուսումնական Ծրագիր**

Շարունակեցինք ներառել Անգլիական SAM labs-ի "STEAM" ծրագրի գործածութիւնը համագործակցաբար Professional Learning Center-ի հետ:



**Կեանքը Պէյրուսի Վահան Թէքէեան Վարժարանին Մէջ**

**Լրատու - Թիւ 1 – Մարտ 2022 (Ա. Մաս)**

**Սկիզբը Էջ 04**

Վերահաստատեցինք համաձայնագիրը e-Skool-ի հետ, որուն համաձայն մեր վարժարանի ուսուցիչները շարունակեցին համացանցի գործածութեամբ փոխանցել առօրեայ կիշերը, տան պարտականութիւնները, քննութեան դասացուցակը, վարքը, եւ առցանց դասաւանդութիւնը:

**Նկարագրի Կրթութեան Ծրագիր**

Մեր վարժարանէն ներս սկսանք ներառել Նկարագրի Կրթութեան Ծրագիրը (Character Education Program): Կը հաւատանք, որ այս ձեւով աշակերտները պիտի իւրացնեն կեանքի հմտութեան արժէքներ եւ ջանան ըլլալ օրինակներ լաւ նկարագրի:

**Ուսուցիչի Վերաորակաւորում**



Սեպտեմբերին, մեր ուսուցիչներէն՝ Տիկ. Զաննա, եւ Տիկ. Նաուէլ մասնակցեցան Տար ըլ Մէշրիքի -ի կողմէ պատրաստուած Արաբերէն լեզուի դասատուներու վերապատրաստութեան դասընթացներուն:

Պրն. Աւետիս Տիպանը ընդունուեցաւ LAU-ի եւ Գալուստ Կիւլպէնկեան Զիմանրկութեան կազմակերպած «Հայկական վարժարաններու ուսուցիչներու մասնագիտական վերաորակաւորման ծրագիր»ին “Teacher Development Program for the Armenian Schools in Lebanon”.

Հոկտեմբեր 16-ին, Տիկ. Ռիթա Թամուկեան եւ Պրն. Աւետիս Տիպան մասնակցեցան Գալուստ Կիւլպէնկեան Զիմանրկութեան կողմէ հովանաւորուած «Չնտուկ» արեւմտահայերէնով մանկավարժական աղբիւրներու կայքէջի առցանց ներկայացումին:

**Նուիրատուութիւններ**



Հոկտեմբեր 12-ին մեր վարժարանը հիւրընկալեց Rotary Club Beirut Cedars-ի (RCBC) պատուիրակութիւնը գլխաւորութեամբ՝ Հայաստանի Հանրապետութեան Rotary Club Գիւմրիի մասնաճիւղի ղեկավար՝ Աշոտ Կարապետեանին:

Սոյն կազմակերպութեան կողմէ կատարուած նուիրատուութեան, ամրան ընթացքին տեղադրուեցաւ խմելու ջուրի մաքրագտման նոր համակարգ մեր վարժարանի բակին համար: Ստացանք 17 հատ նոր UPS- ներ, ինչպէս նաեւ Մանկապարտեզին համար 3 հատ թուային փոխգործոն պաստառներ Interactive digital boards:

Մեր խորին երախտագիտութիւնը կը յայտնենք RCBC-ի նախորդ նախագահին, Պրն. Յակոբ Տանձիկեանին, որուն նախաձեռնութեամբ կատարուեցաւ այս ծրագիրը ինչպէս նաեւ ուրիշ ծրագիրներ՝ մեր վարժարանին համար:

Շնորհակալ ենք այն բոլոր անհատներուն եւ կազմակերպութիւններուն որոնք կ'օժանդակեն նիւթապէս կամ կրթական սարքեր տրամադրելով:

**Դպրոցական Ներքին Ատենամարզանքներ**



**Մեր վարժարանը շարունակեց ատենամարզանքի պահերը նպատակ ունենալով զօրացնել ազգային արժէքները եւ ինքնութիւնը ինչպէս նաեւ ընկերային գիտելիքներ: Վահան Թէքէեան վարժարանի աշակերտները մեծ խանդավառութեամբ մասնակցեցան զանազան գործունէութիւններու:**

**- Ուսուցողական դասախօսութիւն՝ «Քորոնա» պսակաձեւ ժահրի (COVID-19) անհրաժեշտ կանխարգելիչ միջոցներու մասին: Դասախօսութիւնը կատարեց մեր վարժարանի գիտութեան ուսուցչուհի Օրդ. Սինթիա Միլատենեան:**

Նկարագրի Կրթութեան Ծրագրի ընդմէջէն ներկայացուեցաւ սպառնական եւ յոխորտանքի արտայայտութիւններու “Bullying” կանխարգիլման մասին դասախօսութիւն, պատրաստուած մեր վարժարանի Անգլերէն լեզուի ուսուցչուհիներ՝ Օրդ. Թամար Ծեհիգեանի եւ Օրդ. Նարին Խաչատուրեանի կողմէ:



“Թարգմանչաց Տո՛ւ”ի առիթով ունեցանք հիւր բանախօս Հոգեշնորհ Տէր Աւետիք Աբղ. Տէր Կարապետեան:



Ունեցանք յիշատակի հանդիսութիւն երկարամեայ ուսուցչուհի եւ հոգաբարձութեան ատենադպրուհի՝ Օրդ. Լորիս Թուղլաճեանի անթառամ յիշատակին:



**Բ. Մասը յաջորդ թիւով**

## «Թուրքո»ները

### ԿԱՐՕ ՊՕՅՃԱՆԵԱՆ

Ծովը հանդարտ էր:

Պարապ կամրջակի ճաղերուն դիմաց, գիշերուընէ հոս- հոն մնացած աթոռները դեռ թաց էին: Կանուխ էր, սակայն առաւօտեայ այդ ժամուն, ճիւղի Չեզարէն ջուրերուն վրայ իր կեանքը կը գծէր, եւ ետեւէն ճերմակ փրփուրներու բարակցող երկարող պոչ մը կը ձգէր...



Ճիւղի խառնարանը, ծովուն մէջ ժամակալ քսանչորս հանգոյց կը նետէր, եւ կանոնաւոր սպասարկութեամբ, ամիսը մէկ անգամ, ճենովայէն ճամփորդներու երազները կը տանէր եւ հարաւի երկիրներու արեւին կը խառնէր: Հոն երկնքին տակ արեւը կեանք էր եւ երազկոտ մարդիկ, ջուրերու երեսին յոյսերով լեցուն նաւերու վրայ, հեռուները նոր կեանք եւ բախտ փնտռելու կ'երթային: Բայց բախտը հաւասար ձեւով չէր ժպտեր բոլորին եւ երբեմն ալ զարմանալիօրէն քմահաճ ծրագիրներ կը պատրաստէր իր ուզած կամ զատած անձերուն...

Մենք կ'երթայինք հարաւ, ապահով եւ խաղաղ կեանք ապրելու:

Նաւը հանդարտ կը յառաջանար եւ ծովուն ալիքները իր կողերը կը լուային: Կամրջակին վրայ պզտիկ տղաք եւ աղջիկներ, ասդին անդին կը վազէին, ու կեանքը անոնցմով մեր շուրջը հետզհետէ կը տաքնար...

Յանկարծ ետեւէն ձայն մը,

- Ո՛ր եւ թւիկները,- հարցուց...

Դարձայ, Օլիւթոն էր, նաւուն վրայի նոր օրերու բարեկամս:

Կանուխ էր թւիկները դեռ չէին երեւցած ջուրին երեսը:

Զրուցելով սկսանք քայլել, եւ նախորդ օրերու նիւթերը դարձեալ բացուեցան:

Օլիւթոն խօսակցութիւն մը վերսկսելու համար,

- Ուրեմն ժամագործութեամբ զբաղելու նպատակով Սան Փաուլօ կ'երթաս,- հարցուց:

Անմիջապէս «Ո՛չ ես ժամագործութեամբ զբաղելու համար չեմ որ Սան Փաուլօ կ'երթայի, մենք ընտանիքով Պրագիլի մէջ կեանքի ապահով պայմաններ փնտռելու կ'երթայինք...» պատասխանել խորհեցայ, բայց դեռ բերանս չբացած՝

- Գիտե՛ս, դուն այս արտաքինով, ժամագործի շատ չես նմանիր,- շարունակեց Օլիւթոն:

Ես զարմացայ եւ քիչ մըն ալ վիրաւորուած՝ վայրկեանին այն տպաւորութիւնը ունեցայ, թէ Պրագիլի նոր բարեկամիս ձայնին մէջ, ժամագործերու արհեստը չգնահատողի թեթեւ շեշտ կար:

Բայց վստահ չի եւ միտքիս մէջ ծագած կասկածը ստուգելու համար,

- Ժամագործ... բայց քու գաղափարով ժամագործները ինչպէ՛ս կ'ըլլան երեւոյթով,- հարցուցի:

Օլիւթոն հարցումիս ուղղակի չպատասխանեց, պահ մը մտածեց, եւ յետոյ կարծես միտքին մէջ յանկարծ յստակ որոշումի հասած ըլլար, գլուխը հաստատական շարժեց եւ

- Ո՛չ, ժամագործի չես նմանիր,- կրկնեց վստահ ձեւով:

- Հապա ինչի՞ կը նմանիմ... դուն քանի՞ ժամագործի նմանող անձեր կը ճանչնաս,- հարցուցի հետաքրքրուած:

- Շատ չեմ ճանչնար, միայն ժամացոյցս նորոգող թուրք ժամագործը,- պատասխանեց Օլիւթոն:

Ես նեղուեցայ: « Թուրքո՞», այս մարդը թուրք բարեկամներ ունի» մտածեցի եւ վայրկեանաբար ամէն ինչի արագ հակազդող նկարագրիս պատճառով ներսէս ընդվզում զգացի:

Սակայն յայտնի չըրի եւ անտարբեր ձեւով,

- Սան Փաուլոյի մէջ թուրքեր՞ կան... այդ ժամագործէն զատ ուրիշ բարեկամներ ալ ունի՞ս անոնց մէջ,- հարցուցի:

Բայց կարծեմ որքան որ լաւ անտարբերութիւն կեղծած ըլլայի, թերեւս կատարեալ չէի ծածկած բարկութիւնս, որովհետեւ Օլիւթոն պահ մը դադրեցուց քայլերը եւ թեւէս բռնելով,

- Կեցի՛ր,- ըսաւ,- նախ լսէ՛ք ըսելիքս, ու եթէ նախընտրես, կրնաս յետոյ ուզածիդ չափ նեղանալ,- բացատրեց:

Ես ըսելիք չգտայ եւ բարկութիւնս լաւ սքօղած չըլլալուս համար ամօթով սպասեցի:

Օլիւթոն կռնակը կամրջակի բազրիքին տուած՝ թեւերը ծալեց եւ երկար բացատրողականի մը սկսաւ:

- Տե՛ս, նախ գիտցի՛ր, թէ մեր երկրին մէջ թուրքեր գրեթէ չկան,- ըսաւ:

Ես անմիջապէս ուրախացայ եւ հետաքրքրուեցայ:

- Բայց պետք է գիտնաս, որ Պրագիլի մէջ, Միջին Արեւելքի արաբական երկիրներէ եկող բոլոր օտարականներուն, մենք ընդհանրապէս «թուրք» անունը կու տանք: Ժողովուրդին մէկ մասը գիտէ թէ անոնք թուրք չեն, բայց վարժուած են եւ հինէն ի վեր սովորութիւն դարձած է այն կողմերէն եկողներուն «թուրք» կոչելը,- շարունակեց Օլիւթոն:

Ըսածէն ես մինչեւ այն ատեն տեղեկութիւն չունէի:

- Պրագիլ հաստատուելու սկզբնական շրջանին, «Թուրք» ներուն մեծ մասը, կեանքի վաստակը գիւղէ գիւղ փերեզակութիւն ընելով շահած է, սակայն այսօր մեր երկրի զանազան ազգերու խճանկարին մէջ, անոնք նիւթականի տեսակետով կարեւոր տեղ կը գրաւեն,- բացատրեց բարեկամս...

Բացօթեային՝ արեւը սկսած էր տաքնալ եւ ճառագայթներուն փայլը ծովու երեսին իջնող-եկող ալիքներուն հետ կը խաղար...:

Օլիւթոն վայրկեան մը ընդհատեց պատմածը, ծովուն կողմը դարձաւ եւ զովանալու համար թեւերը ովկիանոսի ջուրերուն վրայ երկարեց: Յետոյ խօսակցութիւնը ձգած տեղէն շարունակեց եւ պատմելու ձեւով

- Այդ «թուրք» ները երբ բաւականաչափ դրամ վաստակին,

կալուած կը գնեն, կը հարստանան, եւ անկէ վերջ հասարակ ժողովուրդը միջակ հարստութեան տէր դարձած Միջին Արեւելքցիներուն Սուրիացի, իսկ մեծահարուստներուն ալ Լիբանանցի կը կոչէ,-բացատրեց:

Լսածս նորութիւն էր ինծի համար:

- Ուրեմն, «թուրք» ները իրականութեան մէջ ազգութեամբ արաբներ են,- հարցուցի Օլիւթոյին, պատմածէն անմիջապէս եզրակացութեան հասնելով: Օլիւթոն գլուխը հաստատական շարժեց:

- Ուրեմն «Թուրք»ներ, Սուրիացիներ, Լիբանանցիներ, բոլորն ալ ընդհանրապէս Միջին արեւելքցիներ կը նկատուին Պրագիլի մէջ,- շարունակեցի...

- Այո, հարիւրէն իննսունինը տոկոսով, եւ այդ կարգով,- խօսքս լրացուց բարեկամս:

Բացատրածը հիմա կատարելապէս յստակ էր, եւ ես հասկնալով որ իր ժամագործ բարեկամը Թուրք չէր եւ Արաբ էր, ինքզինքս բաւարարուած զգացի ու խորհեցայ թէ այդ նիւթին շուրջ մեր խօսակցութիւնը արդէն վերջ գտած էր:

Սակայն Օլիւթոյին համար այդպէս չէր: Ան չդադրեցաւ ժամագործութեան մասին խօսելէ եւ ատեն մը յետոյ յանկարծ անսպասելիօրէն,

- Կ'ուզե՛ս այս նիւթին շուրջ անկեղծ գաղափարս իմանալ,- հարցուց:

- Անշուշտ,- պատասխանեցի անվարան, եւ գալիքին սպասեցի:

- Տե՛ս,- վերսկսաւ Օլիւթոն եւ վայրկեան մը յետոյ

- Ինչո՞ւ գործակալական գրասենեակի մը մէջ չես աշխատիր,- թելադրեց հարցումի ձեւով...:

Զհաւատացի լսածիս:

- Ե՛ս

- Ա՛յո, դուն...

- Ի՛նչ տեսակ գործակալական գրասենեակի մասին է խօսքդ...

- Ճամփորդական,- պատասխանեց խօսակիցս կտրուկ եւ արագ...

- Ճամփորդական, բայց ես ի՛նչ կը հասկնամ ճամփորդական գործերէ...

- Հոգ չէ, դուն կրնաս չհասկնալ, բայց խօսած այդքան լեզուներովդ, չեմ կարծեր որ դժուար ըլլայ քեզի գործ ճարելը,- բացատրեց Օլիւթոն:

- Բայց դեռ փորթուկալերէն ալ լաւ չեմ գիտեր, առարկեցի

- Կամ ալ օղանաւի ընկերութեան մը մէջ,- շարունակեց ան, առանց ըսածիս կարեւորութիւն տալու:

Ներսէս մէկը,

- Դուն այդ գործէն ալ չես հասկնար, մէջը մի՛ մտներ,- փսփսաց ականջիս:

Բայց Օլիւթոն ինքնավստահ էր քովս, ու ըսածը գիտցող կ'երեւէր:

Քիչ վերջ կամրջակին վրայ քայլերը դանդաղեցուց եւ հաստատ ու վճռական ձեւով

- Կամ ճամփորդական գրասենեակի, կամ ալ օղանաւի ընկերութեան մը մէջ պետք է աշխատիս,- ըսաւ:

Այնպէս կ'երեւէր, թէ իրեն համար այդպէս պետք է ըլլար եւ խօսակցութիւնս ալ արդէն հող վերջացած էր...:

Բայց կացութիւնը տարբեր էր ինծի համար: Ես առանց երկրի լեզուն գիտնալու, եւ ճամփորդական գործերէ ալ առանց գաղափար իսկ ունենալու, ինչպէ՛ս երթայի եւ իր խորհուրդ տուած գրասենեակներուն մէջ գործ փնտռէի...:

- Օղանաւի ընկերութիւն... Ես ու՛ր, օղանաւի ընկերութիւնները ու՛ր,- խորհեցայ եւ վայրկեանին անկարելի հեռաւորութիւն մը զգացի... :

Սակայն Օլիւթոն կը սիրէր զրուցել: Քիչ վերջ ան սկսաւ իր մասին խօսիլ, եւ պատմեց թէ համաշխարհային երկրորդ պատերազմի օրերուն, ինքն ալ քրուզէր So Սուլ անունով Պրագիլական օղանաւի պզտիկ ընկերութեան մը մէջ աշխատած էր, որուն օղանաւերը երկրին մէջ միայն մօտիկ հեռաւորութեամբ քաղաքներ կը թռչէին այն օրերուն...:

## «Թուրքո»ները

Սկիզբը էջ 06

Հոն Օլիսթոն յիշեց, որ այն ատենուայ իր հին գործընկերներին մեկը, հիմա Պրագիլական օդանավի ուրիշ մեծ ընկերության մը մեջ բարձր պաշտոն կը վարեր:

- Ինչ լա՛ւ,- մտածեցի, ու ներսես գաղտնի յուսացի որ այդ բարեկամին անունը անմիջապես ինձի փոխանցեր:

Սակայն այդպես բան չըրաւ Օլիսթոն, ու ես խորհելով որ թերեւս ուրիշ առիթովի ինքնաբերաբար յիշեր, շարունակեցի լուռ մտիկ ընել պատմածները: Բայց ես միտքով զբաղած էի եւ անցած օրերու ապահովության մեջ կը թափառէի: Մենք ծանօթ մարդ կամ բարեկամ չունէինք Պրագիլի մեջ եւ ես միտքիս մեջ հարցում մը մտահոգութեամբ յաճախ կը կրկնէի

- Սանթոսի նաւահանգիստին մեջ մեզի սպասել խոստացող հին դասընկերս արդեօք եկած պիտի ըլլա՞ր մեզ դիմաւորելու ...

- Կու գա՛մ,- ըսած էր Գեորգը ինքնավստահ երբ դեռ Գահիրէի մեջ էինք:

Ան Գալուստեանի ինձի տարեկից դասընկերս էր, մեզմէ երկու շաբաթ առաջ ընտանիքին հետ Պրագիլ մեկնած էր, եւ երբ Աղեքսանդրիոյ մեջ վերջին օրը գիրենք նաւ դրած էինք,

- Կու գա՛մ, հանգիստ եղիր, կու գամ,- կրկնած էր Գեորգը երբ վերջին անգամ ալ նոյն հարցումը ուղղած էի իրեն...

Հիմա նաւու բազրիքին հենած, եւ Օլիսթոնին ձայնը ականջներուս մեջ, յանկարծ «հապա եթէ չի գա՞յ» խորհեցայ եւ միտքս պահ մը պղտորեցաւ...

Նաւը առջեւի կապոյտ ջուրերը հրելով, ծովուն մեջ ճեղքեր կը բանար եւ Ատլանտեան ովկիանոսին վրայ հանդարտ կը սահէր:

Յանկարծ բարեբախտաբար, այդ վայրկեանին կամրջակի բարձրախօսէն ինձի անծանօթ ուրախ երգեր լսեցի ու ես մտքիս մեջ շրջան ընող հարցումներէն զատուեցայ եւ շուտով նաւ վերադարձայ:

Երգերը հաճելի էին: Եղանակները ճանչցածներէս բոլորովին տարբեր էին եւ բաւական երկար տեւեցին: Բարեկամս երբեմն կարճ միջոցներ ընկերացաւ այդ երգերուն: Երբ վերջացան,

- Ասոնք ի՞նչ երգեր են, Պրագիլական են,- հարցուցի նաւու բարեկամիս:  
- Այո, մեր երգերն են, Պրագիլի հիւսիս արեւելեան շրջանի ժողովրդական երգերէն,- բացատրեց Օլիսթոն,- ու գրեթէ անմիջապես յետոյ ալ,- այդ կողմերու ժողովուրդը աղքատ է, բայց հակառակ աստի, իրենց երգերուն եղանակները միշտ ուրախ կ'ըլլան,- ասեցուց:

Ես երաժշտութեան շատ մօտ էի:

- Ուրախ երգեր, ինչ լա՛ւ... լա՛ւ որ գացած երկիրս ուրախ երգերու երկիր է,- մտածեցի...

Նաւը երգերով կը շարունակէր ջուրերուն մեջ յառաջանալ: Յիշեցի որ նաւը արդէն երկու օրէ ի վեր Պրագիլական ջուրերու մեջ կը նաւարկէր եւ շուտով Ատլանտեանի մեր վերջնակետին պիտի մօտենար: Միտքս անգամ մըն ալ ակեղծուեցաւ: Արդեօք հարաւի լայն ծովեզերքներու վրայ, շարժող հովերու դէմ արծակ մագերով ծառերու երկրին մեջ, դիւրին պիտի ըլլա՞ր մեր կեանքը ծայրէն սկսիլ...  
- Իսկ ե՛ս, ո՞ր գործով զբաղէի, ինչո՞վ սկսէի... ժամագործութեամբ, թէ բարեկամիս խորհուրդին համեմատ, ճամփորդական գրասենեակի, կամ ալ օդանավի ընկերութիւններու մեջ գործ փնտռելով,- կը խորհէի մտահոգ:

Դժուար էր որոշել կամ ընտրել...

Սակայն ճիւղի Չեզարէն առանց կարելորութիւն տալու մտածումներուս, շարունակեց իր ճամբան եւ դանդաղ հալածելով ովկեանոսի ալիքները, Ատլանտեանի կապոյտ ջուրերուն մեջ անելի հարաւ իջաւ:

Քովէս Օլիսթոն դեռ կը պատմէր իր հին օրերէն, բայց ես այլեւս չէի լսեր ըսածները: Մտքով հեռուները դարձած՝ դեռ

- Ես ու՛ր, օդանավի ընկերութիւնները ու՛ր,- կը մտածէի...

Քամիինաս, Պրագիլ

## Դրուագներ Նշանաւոր Մարդոց Կեանքէն

Սկիզբը էջ 03

Այդ տարին՝ առաջին անգամ ըլլալով, Յեղասպանութիւնը պաշտօնապէս նշուեցաւ մեր հայրենիքին մեջ: Հայոց Վեհափառը, պետական ակադեմիան եւ ժողովուրդը՝ մեծով-պզտիկով, խուռներամ բարձրացան դէպի ծիծեռնակաբերդի բլուրը եւ ոչ թէ միայն աղօթքներով յարգեցին մեր անմեղ զոհերու յիշատակը, այլեւ պահանջատիրութեան պատգամներով հրապարակ իջան, խանդավառելով ժողովուրդը:

Սփիւռքն ալ իր կարգին անմասն չմնաց մասնակցելու մեծ Եղեռնի յիսնամեակի տօնակատարութեանը: Պէրլուքի մեջ կազմակերպուեցաւ՝ ազգային թէ եկեղեցական բոլոր հոսանքներու միացումով, յիշատակի բացառիկ ձեռնարկ մը, Ամերիկեան Համալսարանի West Hall հանդիսարանին մեջ:

Օրուան գլխաւոր բանախօսն էր Վերապատուելի Դոկտ. Ճան Մարգարեանը: Գեղարուեստական յայտագիրը անթերի էր, սակայն բանախօսութիւնը

մեծ յուսախաբուութիւն մը ստեղծեց ներկայ հասարակութեան մօտ: Ինչո՞ւ, որովհետեւ ամերիկահայ՝ գոլեմի նախագահ դարձած հոգեւորականի պատգամը կեդրոնացած էր ներելու ոգիին մեջ:

Ան իր «քարոզ»-ին նիւթ դարձուցած էր Մատթեոս Աւետարանի 5րդ գլխուն 44 համարը որ կ'ըսէ, «Սիրեցէք ձեր թշնամիները, օրհնեցէք ձեզ անիծողները, բարիք ըրէք անոնց որ ձեզ կ'ատեն եւ աղօթք ըրէք անոնց համար որ ձեզ կը չարչարեն ու կը հալածեն»:

Այս պատգամը թիւր չեկաւ բնաւ Եղեռնէն մագապուրծ վերապրողներուն եւ անոնց ժառանգորդներուն, որոնք վրէժխնդրութեան ոգիով տոգորուած ըլլալով, կը հաւատային միայն «աչքի դէմ աչք, ատամի դէմ ատամ» յանկերգին եւ պատրաստ չէին երբեք ներելու եւ մոռնալու քսաներորդ դարի այդ առաջին եւ ահաւոր ցեղասպանութիւնը, որ կը միտէր բնաջինջ ընել ժողովուրդ մը ամբողջ:

### ԲԱՆ ՈՒ ԳԻՐ

#### Հայկական Անուններ

Հայն իր մանկանը կոչել է Ազատ, Որ ազատ լինի հողը հարազատ:

Բայց յարձակուել են վայրենի՝ մարդիկ, եւ նա զաւակին կոչել է Մարտիկ:

Երկիրն է պղծել թշնամին հրէշ, եւ հայրը որդուն կոչել է Վրէժ:

Որպէսզի որդին կռուի տաքարին, Հայրը ծնունդին կոչել է Կորիւն:

Նահատակներ են պետք եղել հերոս, եւ նոր անուն է գտել՝ Մարտիրոս:

Որպէսզի երկիրն առնի յարութիւն, Հայրը կոչուել է նաեւ Յարութիւն:

Լաւ լուրերի է սպասել յաւետ, եւ իր մանչուկին ասել է Աւետ:

Որ ազգը կռուի հ մնայ սակայն, Որդուն կոչել է նա Մնացական:

Յոյսով է ապրել մթնում խաբուսիկ եւ անուանել է իր որդուն Յուսիկ:

Այժմ հայն ունի բախտաւոր մի կեանք եւ զաւակներին անուանում է Հայկ...

Արամայիս Սահակեան

### ՄՇԱԿՈՒԹԱՅԻՆ ՕՐԱՑՈՅՑ

**05** 2022  
ԱՊՐԻԼ

Կրկ երկ երեք Չորե Հնգ Ուրբ Ծրթ

|    |    |    |    |    |    |    |
|----|----|----|----|----|----|----|
|    |    |    |    |    | 1  | 2  |
| 3  | 4  | 5  | 6  | 7  | 8  | 9  |
| 10 | 11 | 12 | 13 | 14 | 15 | 16 |
| 17 | 18 | 19 | 20 | 21 | 22 | 23 |
| 24 | 25 | 26 | 27 | 28 | 29 | 30 |



ԼԱՎԻՆԻԱ ՊԱԺՊԵՌԻԿ – ՄԵԼԻՔԵԱՆ

(1922 – 2005)

«Բնականաւ. Քաղթիւններ»

Մարզական

## Մինի Ֆութպոլ ՅԵԸ Անդրանիկ Անթիլիաս Նուագագոյն Հաշուով Չիջեցաւ Լիբանանի Բաժակը



Մինի ֆութպոլը համեմատաբար նոր մարզաձևն է ՅԵԸ-ի մարզաձևերով հարուստ ընտանիքին մէջ: Այսուհանդերձ, ՅԵԸ Անդրանիկ Անթիլիասի կազմը պատուաբեր արդիւնքներ արձանագրեց Լիբանանի այս տարուան բաժակի մրցումներուն: Մեր տղաքը բաժակի աւարտականին, Նուագագոյն՝ 2-1 արդիւնքով զիջեցան իրենցմէ շատ աւելի փորձառու եւ արհեստավարժ լիբանանեան բանակի խումբին: ՅԵԸ-ՅԵԸ Անդրանիկ մինի ֆութպոլի կազմը փայլուն յաղթանակներ արձանագրելով հասաւ բաժակի կիսաւարտականին եւ Ռիսելէ Ղազիէին՝ 4-1 արդիւնքով պարտութեան մատնելէ ետք՝ աւարտականին: Աւարտականին մեր մրցակիցն էր Նախորդ տարուան բաժակակիր լիբանանեան բանակի խումբը:

Մեծ թիւով ՅԵԸ-ականներ դաշտ եկած էին քաջալերելու իրենց սիրելի խումբին, որոնց մէջ սկաուտներ, Ֆանֆարի կազմը եւ համակիրներ: Մրցումը սկսաւ փոխադարձ յարձակումներով: Առաջին կիսախաղը վերջ գտաւ՝ 1-1 հաւասարութեամբ: Երկրորդ կիսախաղը դարձաւ ընթացաւ հաւասար պայքարով եւ միայն մեր մարզիկներուն միջեւ

անհասկացողութիւն մը պատճառ դարձաւ, որպէսզի բանակը նշանակէ իր երկրորդ եւ յաղթանակի կողմը:

Կ'արժէ նշել, որ կիսաւարտականի եւ աւարտականի մրցումները տեղի ունեցան ՅԵԸ Անդրանիկի նորաստեղծ մարզադաշտին մէջ եւ ուղիղ հաղորդումով սփռուեցան Էլ. Պի. Սի. հեռատեսիլի կայանէն:

ՅԵԸ-ՅԵԸ-ի մարզասերներուն անունով կը շնորհաւորենք լիբանանեան բանակի խումբը այս յաղթանակին առիթով:

Ճիշդ է, որ մեր մարզիկները ձեռնունայն դուրս վերադարձան դաշտէն, սակայն շահեցան լիբանանցի մինի ֆութպոլի սիրահարներուն համակրանքը:

ՅԵԸ Անդրանիկ Անթիլիասի կազմին գլխաւոր մարզիչն է Ատել Ռիզը, օգնական ունենալով Գօգօ Ալլոզեանը: Խումբին վարչական պատասխանատուն է Ալեքս Առաքելեանը, իսկ Լիբանանի մինի ֆութպոլի ֆետերասիոնին մէջ մերներկայացուցիչն է փոխատենապետ Թոնի Ճունթոյեանը:

Լիբանանի մինի ֆութպոլի Ա. դասակարգի ախոյեանութիւնը պիտի սկսի Յունիսին: Ներկայիս մեր խումբը կը պատրաստուի Ռամատանի բաժակի մրցաշարին:

## ՀԱՂՈՐԴԱԳՐՈՒԹԻՒՆ

### Անթիլիասի Ուխտի Օրուան Առթիւ...

Սկիզբը Էջ 02

Թափօրի աւարտին, Նորին Ս. Օծութիւնը միաբան հայրերու ընկերակցութեամբ, բարձրացաւ Ս. Խորան եւ Լուսաւորչի սրբազան Աջով կատարեց ջրօրհնէքի արարողութիւն: Ապա, Մայր Տաճարի խորանին վրայ գետնդնեցան Ս. Գրիգոր Լուսաւորիչ Հայրապետին, Ս. Սեդրեստրոս եւ Ս. Նիկողայոս Հայրապետներուն աջերը, որոնք միաբան հայրերու հսկողութեան ներքեւ Խորանին վրայ մնացին մինչեւ ուշ երեկոյ:

Ուխտի Օրուան Հսկում



Ուխտի օրը նախորդող օրը՝ Շաբաթ, 2 Ապրիլ 2022-ին, Դպրեվանքի սաներն ու ուխտաւորներ առաւօտեան կանուխ ժամերուն ուխտերթ կատարեցին Պիքֆայայի Ս. Աստուածածին Վանքէն Անթիլիասի Մայրավանք, որմէ ետք մատուցուեցաւ Ս. եւ Ամմահ Պատարագ. յաջորդիւ Ն.Ս.Օ.Տ.Տ. Արամ Ա. Կաթողիկոս «Կիլիկիա» թանգարանէն դուրս բերաւ մեր եկեղեցւոյ հոգեւոր հարստութիւններէն սրբազան մատուցներ, իսկ երեկոյեան Մայրավանքին մէջ տեղի ունեցաւ հսկումի արարողութիւն, նախագահութեամբ Վեհափառ Հայրապետին, որուն աւարտին ան իր խօսքը ուղղեց ուխտաւոր հայորդիներուն:

Նորին Սուրբ Օծութիւնը իր պատգամին մէջ խօսեցաւ Գրիգոր Լուսաւորչին մեզի պարգեւած հոգեւոր վերածնունդի եւ հոգեւոր յեղափոխութեան մասին՝ նշելով, որ կարելի չէ հասկնալ սուրբը առանց անդրադառնալու մեր ժողովուրդի կեանքէն ներս իր կատարած հոգեւոր յեղափոխութեան: Հայրապետը դիտել տուաւ, որ թէեւ Ս. Թադէոս եւ Ս. Բարթողիմէոս առաքելները Աստուծոյ լոյսը բերած էին Հայաստան, սակայն այդ մէկը տակաւին կենդանի եւ ամենօրեայ ներկայութիւն չէր եղած ժողովուրդին մօտ, իսկ Լուսաւորիչը ինք եղաւ հաւատքի առաքելը՝ յեղաշրջելով մեր ժողովուրդի կեանքը եւ զայն թրծելով Աստուծային լոյսով եւ երկնային օրհնութեամբ: Եթէ նայինք մեր ժողովուրդի պատմութեան, մեր մշակոյթին, յստակօրէն պիտի տեսնենք հոգեւոր արժեքներուն տիրական ներկայութիւնը եւ մեր հոգեւոր մշակոյթը ծնունդ առաւ Ս. Գրիգոր Լուսաւորիչով եւ ապա թարգմանչաց սերունդով նոր տարածք, նոր ծաւալ ստացաւ, յայտնեց ան:

Խօսելով տօնին անժամանակ հրամայականին մասին՝ Հայրապետը ըսաւ, որ այսօր աւելի քան երբեք մենք կարիքը ունինք Լուսաւորչի հոգեւոր վերածննդեան. «Մեր շուրջը տիրող խաւարին եւ խաւարային մտածումներուն դիմաց այսօր մենք կոչուած ենք Ս. Գրիգոր Լուսաւորչի հոգեւոր վերածնունդը շարունակելու՝ հաւատարիմ ըլլալով Աստուածաշնչական արժեքներուն եւ ուսուցումներուն», նշեց ան՝ շարունակելով, որ Աստուծոյ Որդին Ինք աշխարհ բերաւ հոգեւոր վերածնունդը եւ Ինք սկսաւ հոգեւոր յեղափոխութիւնը մարդկային կեանքին մէջ. «Լուսաւորիչը մեր կեանքին առջեւ բացաւ հաւատքի, լոյսի, հոգեւոր արժեքներու, նուիրումի, միասնականութեան, հայրենասիրութեան ճամբան եւ իւրաքանչիւր հայ կոչուած է քալելու այդ ճամբէն: Մենք Ս. Գրիգոր Լուսաւորչի զաւակներն ենք եւ որպէս զաւակներ մենք պետք է հետեւինք մեծ հայրապետին, մեծ սուրբին հոգեւոր վերածննդեան», եզրափակեց ան:

Նշենք, որ Անթիլիասի Մայր Տաճարի Ուխտի Օրը ուխտաւորներ աղօթական մթնոքորտի մէջ կը գիշերեն Տաճարին մէջ:

Դաւանելով ռամկավար եւ ազատական սկզբունքներ, կը հաւատանք բազմակարծութեան եւ ազատ խօսքի իրաւունքի: Հետեւաբար՝ թերթիս մէջ հրատարակուած գրութիւնները անպայման չեն արտայայտեր խմբագրութեանս տեսակետը: Կամքէ անկախ սպորադիկ պիպակներու պարագային, կ'ապաւինինք յօդուածագիրներուն եւ մեր ընթերցողներուն ներողամտութեան: